

FORMULARI I ANKESËS PRANË AUTORITETIT/ENTIT KONTRAKTOR DHE KOMISIONIT TË PROKURIMIT PUBLIK

Ankesë drejtuar: Autoriteti/Entit Kontraktor dhe Komisionit të Prokurimit Publik ☐

Seksioni I. Identifikimi i ankimuesit

Ankimuesi mund të jetë një ofertues ose ofertues i mundshëm (p.sh. individ, operator ekonomik, shoqatë, bashkim operatorësh ekonomikë) ☐

InfoSoft Office

Emri i plotë i ankimuesit (ju lutem shtypeni)

J62426002Q

NUIS/NIPT

Koder Kashar, Autostrada Tirane-Durres, Km 8

Adresa

Tiranë

Albania

4000

Qyteti

Shteti

Kodi Postar/Posta

0692035383

Numri i telefonit (përfshirë kodin e zonës)

Numri i faksit (përfshirë kodin e zonës)

hr@infosoftoffice.al

E-mail

administrator Frederik Prodani

Emri dhe titulli i zyrtarit të autorizuar për lëshimin e ankesës (ju lutemi shkruani)

Nënshkrimi i zyrtarit të autorizuar

2024/07/22

Data (viti/muaji/dita)

0692036179

Numri i telefonit (përfshirë kodin e zonës)

Numri i faksit (përfshirë kodin e zonës)

Seksioni II: Informacion mbi procedurën

Numri i referencës së procedurës/Lotit

Plotësoni numrin e referencës së kontratës në njoftimin e kontratës ose në dokumentin e tenderit.

REF-13183-07-15-2024

Tipi i procedurës për ankesën

Procedure Prokurimi Publik

Tipi i ankesës

Dokumenta Tenderi

Plotësoni llojin e procedurës së përdorur

Open Simple

Autoriteti/Enti Kontraktor

Emri i autoritetit/entit kontraktor që administron procesin e prokurimit.

Bashkia Bulqize

Vlera e përllogaritur e prokurimit

Vlera e përllogaritur e kontratës/Marrëveshjes Kuadër (shuma në shifra dhe fjalë)

1416666

Objekti i kontratës/Marrëveshjes Kuadër

Përshkrimi i shkurtër i punëve/mallrave/shërbimeve objekt kontrate/marrëveshje kuadër.

Blerje kancelari, tonera për fotokopje dhe printerash

Afati i fundit për paraqitjen e ofertës

Data (viti/muaji/dita)

2024/07/26

Data e publikimit të Njoftimit të Fituesit

(Data (viti/muaji/dita) nëse është e zbatueshme) ☐

Data e nënshkrimit të kontratës

(Data (viti/muaji/dita) në rastet e kërkesave për pavlefshmërinë e kontratës) ☐

Tipi i kontratës

Mallra

Data e zhvillimit të procedurës

2024/07/26

Numri i njoftimit

CN/04207/07152024

Kodi CPV

22852000-730125120-830192124-630192130-

Ankese mbi argument në KPP

Seksioni III: Përshkrimi i ankesës

1. Baza ligjore

(Shkelje/arsyetime ligjore, bazuar në vendime, akte, dokumente, etj.) ☐

Ligji 162/2020 “Për prokurimin publik” i ndryshuar; VKM 285, datë 19.05.2021 “Për miratimin e rregullave të prokurimit publik”, i ndryshuar

2. Objekti i ankesës ☐

- Modifikim i dokumentave të tenderit ☒

- Kundërshtim i vendimit të Komisionit të Vlerësimit të Ofertave lidhur me skualifikimin e ofertës tuaj. ☐

(Citoni këtu arsyet e skualifikimit)

- Kundërshtim i vendimit të Komisionit të Vlerësimit të Ofertave lidhur me kualifikimin e ofertës të një/disa operatori/ëve ekonomikë pjesëmarrës në procedurën e prokurimit. ☐

(Citoni operatorin/ët ekonomik për të cilin keni pretendime)

- Pavlefshmëri kontrate ☐

(Citoni kontratën për të cilën kërkon pavlefshmërinë)

- Tjetër ☐

(Citoni këtu objektin e ankesës që nuk përfshihet më sipër)

3. Rrethanat dhe faktet

Përshkruani rrethanat e faktit.

Më datë 16.07.2024, në sistemin elektronik të prokurimeve (app.gov.al) të Agjencisë së Prokurimit Publik, është shpallur nga autoriteti kontraktor, Bashkia Bulqizë, “Procedure e hapur e thjeshtuar” me objekt: “Blerje kancelari, tonera per fotokopje dhe printerash”, me fond limit 1,416,666 (nje milion e katerqind e gjashtembedhjete mije e gjashteqind e gjashtedhjete e gjashte) pa TVSH, me REF-13183-07-15-2024.

I- Në shtojcën 5, (Formulari i Specifikimeve teknike) të DT-së janë kërkuar edhe artikujt me numrat rendore dhe me specifikimet teknike si më poshtë vijojnë:

“?Specifikimet teknike e tonerave për printerat dhe fotokopjet.

? Tonerat/ Bojërat duhet të përmbajnë pullën e sigurisë së prodhuesit.

? Tonerat duhet të jenë oregjinale, të reja, të papërdorura, të mbështjellë me qese, dhe të ambalazhuara në kuti, të shoqëruara me pulla sigurie nga prodhuesi. Tonerat duhet të plotësojnë të gjithë elementet e sigurisë dhe do të kryhet kontroll rigoroz, për plotësimin e këtyre elementëve.

? Modeli i printerit dhe kodi i bojës duhet të jenë të printuara në kuti dhe në etiketa që ngjiten. Numri i serisë së kutisë duhet të korrespondojë me numrin e serisë së cartridge brenda në kuti.

...

? Ambalazhi i tonerave duhet të përmbajë markën, modelin, numrin serial...”

- Art. nr.15 (Lexmark M5312dn)-3 Cope;
- Art.27 (Xerox NL-5928 RC venlo)- 2 Cope;
- Art.2 (Bllok me ngjitje stick notes): “3 X 67 fletë, letër, e verdhë, portokalli, rozë Numri i fletëve: 67 flete Ngjyra: Roze, portokalli Materiali: letër”-150 pako;
- Art.4 (Blloqe shenimesh me (kapaklekure A5): “të jetë me rubrika të ndara,me 3 kopje ngjyra të ndryshme të jetë me ngjitje, me kapak të fortë kartoni, A5”- 50 Cope;
- Art.10 (Dosje me llastik 8 cm): “Te jene me shkelqim ne siperfaqe materiali te jete karton i trashe e veshur me material plastic, perdorshme per format A4, Materiali te jete i pademtuar . Dosjet duhet te kene permasat 35cm*25c.”- 150 cope;
- Art.11 (Dosje me llastik me ngyre): “Te jene me shkelqim ne siperfaqe materiali te jete karton i trashe e veshur me material plastic, perdorshme per format A4, Materiali te jete i pademtuar . Dosjet duhet te kene permasat 35cm*25c”- 1000 cope;
- Art.12 (Dosje me mekanizem): “Dosje plastike me mekanizem gjeresia e dosjes 7 cm ngjyra te ndryshme me mekanizem shume I forte dhe cilesi e larte e materialit plastic dosja duhet të jetë e paisur me kuti Përmasa 32cm x 29cm x 7cm”- 100 cope;
- Art.14 (DVD+RË 4X 4.7GB, CD-R 52X700MB): “ DVD+RË 4X 4.7GB, CD-R 52X700MB ,DCD dhe CD duhet te jene bashke me zarfin e logo te prodhuesit”-100 cope;
- Art.20 (Kanavace 60cm x 40cm): “60 cm x 4 0cm Kanavac 1,6x10m.mod3 ? Masa: 60 cm x40 cm ? Materiali:Pambuk ? Tipi:Pëlhurë e ashpër” - 40 cope;
- Art.28 (Kuti per ruajtje te perhereshme): “kuti arkive per ruajtje te perhereshme 56x28x38 cm (pa ngjit, veshje pl e brend, me vule) ngjyra blu pcv.”- 100 cope;

- Art.37(Makine llog e madhe): Makinë Llogaritëse. Përmban të gjitha funksionet themelore si: mbledhje, zbritje, shumëzim, përqindjen e të tjerë. Përdoret me bateri AA (1,5V) Ekran digital. Ushqyes me panel. Butona gome dhe të mbuluar me plastike. Cilësia e lartë me një çmim të arsyeshëm. Ngjyra: E zezë; DimENSIONI i artikullit: 169X112X40cm:DimENSIONI i kutisë së ngjyrave: 20.9 * 16.4 * 4.1cm”- 10 cope;
- Art. 39 (Mbajtëse kancelarish me 3 kate): “Mbajtëse e trefishtë metali, me pjesë të shkurtra dhe kompakte, të jete e fortë për dosjen e zyrës Materiali metalik me konstruksion kompakt, i ngurtë dhe i qëndrueshëm për artikujt e rëndë. Dizajni i rrjetës me pamje elegante . Sipërfaqja te jete e lyster me llak për mbrojtje nga ndryshku.Permasat: Materiali: Metal Ngjyra: E zezë Madhësia e artikullit:35 * 29.5 * 27.5cm / 13.8 * 11.4 * 10.6in”- 10 cope;
- Art.45 (Qese plastike A4): “te jene me material te pllakes te tejdukshem, ne krahun e majte te jete me vrma per t’u vendosur ne dosje, te jene te amballazhuara dhe te pa hapura duhet te jene 300 mikrone, A4 me bira ,nje pako duhet te kete 100 copë.”- 70 pako;
- Art.48 (Usb 16 GB): “MEMORY INTERNAL 16GB, INTERFACE USB 3.0 Gen 1 (5 Gb/s), CONNECTOR USB Type-A, READ SPEED Maximum: 150 MB/s, MATERIAL Metal.”-20 cope;

4. Argumentime mbi shkeljet e pretenduara

Përshkruani në mënyrë koncize shkeljet e pretenduara, duke argumentuar qartë dhe saktë se përse pretendoni për paligjshmëri në veprimet e autoritetit/entit kontraktor.

Shoqëria “Infosoft Office” SHPK, si një kompani e fushës dhe e interesuar për të ofertuar në këtë procedurë prokurimi, pasi u njoh me dokumentat e tenderit, vlerëson se, një pjesë e specifikimeve teknike duhet të ndryshohen.

Për këto arsye, mbështetur në pikën 1 të nenin 110 (Afatet për ankim) të ligjit 162/2020 ”Për Prokurimin publik” i ndryshuar ku përcaktohet se: “...1. Në procedurat e prokurimit mbi kufirin e lartë monetar, në rastin e ankesave për dokumentet e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesave në dokumentet e tenderit. Në procedurat e prokurimit nën kufirin e lartë monetar ky afat është 7 ditë?.”, brenda afatit ligjor, paraqet ankesën e saj si më poshtë vijon:

I. Në lidhje me specifikimet teknike të mallrave të përcaktuara në shtojcën 5, (Formulari i Specifikimeve teknike) të DT-së, parashtrojmë pretendimet tona si më poshtë vijojnë:

Në lidhje me artikullin me numër rendor 15 (Lexmark M5312dn-)-3 Cope, ju bëjmë me dije se, Modeli Lexmark M5312dn nuk ekziston. Lutemi verifikoni edhe njëherë pajisjen për të cilin këkoni tonerin dhe na jepni modelin e saktë;

Në lidhje me artikullin me numër rendor 27 (Xerox NL-5928 RC venlo)- 2 Cope; ju bëjmë me dije se, modeli Xerox NL-5928 RC venlo nuk ekziston. Lutemi verifikoni edhe njëherë pajisjen dhe na jepni modelin e saktë;

Në lidhje me artikullin me numër rendor Art.2 (Bllok me ngjitje stick notes): “3 X 67 fletë, letër, e verdhë, portokalli, rozë Numri i fletëve: 67 flete Ngjyra: Roze, portokalli Materiali: letër”-150 pako, parashtojmë kundërshtimet tona si vijon:

- Nga ana e autoritetit tuaj kontraktor është përcaktuar që numri i fleteve për kete artikull të jenë fiks 67 flete. Kjo eshte nje kërkesë kufizuese, e paargumentuar dhe te drejton drejt nje

marke të caktuar. Kërkojme që numri i fleteve të mos jetë fikse, por të bëhet minimumi 67 flete . Edhe një bllok me më shumë flete, sigurisht që përmbush nevojën e AK-së dhe për më tepër është një produkt më i favorshëm për AK-në;

Në lidhje me artikullin me numër rendor Art.4 (Blloqe shenimesh me (kapak lekure A5): “të jetë me rubrika të ndara, me 3 kopje ngjyra të ndryshme të jetë me ngjitje, me kapak të fortë kartoni, A5”-50 Cope, parashtojmë kundërshtimet tona si vijon:

- Specifikimet teknike që keni përcaktuar për këtë artikull nuk janë të sakta, janë të paqarta dhe krijojnë konfuzion pasi emërtimi i produktit nga ana juaj është: “Blloqe shenimesh me (kapak lekure A5” pra kapak lekure, por në përshkrimin e produktit kërkon “...ndryshme të jetë me ngjitje, me kapak të fortë kartoni, A5” . Blloqet e shënimeve nuk janë me 3 kopje ngjyra të ndryshme dhe me ngjitje .Kërkojme që të saktësoni specifikimet teknike për këtë artikull duke e bërë “Blloqe shenimesh me kapak lekure ose me kapak të fortë kartoni, A5” .

Në lidhje me artikullin me numër rendor Art.10 (Dosje me llastik 8 cm): “Te jene me shkelqim në sipërfaqe materiali të jetë karton i trashë e veshur me material plastik, përdorshme për format A4, Materiali të jetë i padëmtuar . Dosjet duhet të kenë përmasat 35cm*25c.”- 150 cope, parashtojmë kundërshtimet tona si vijon:

- Për këtë artikull janë përcaktuar përmasa shumë fikse, të paargumentuara duke kufizuar në mënyrë të ndjeshme konkurrencën pasi produktet me përmasa fikse të orientojnë tek prodhues të caktuar. Kërkesa për dosje me përmasa kaq fikse jo vetëm që është në kundërshtim me nenin 36 të LPP-së, por nuk i sjell asnjë përfitim AK-së, për sa i përket cilësisë dhe qëllimit të përdorimit të tij. Kërkojmë që të caktoni një diapazon në plus dhe minus të përmasave minimumi 2cm.

Në lidhje me artikullin me numër rendor Art.11 (Dosje me llastik me ngjyrë): “Te jene me shkelqim në sipërfaqe materiali të jetë karton i trashë e veshur me material plastik, përdorshme për format A4, Materiali të jetë i padëmtuar . Dosjet duhet të kenë përmasat 35cm*25c”- 1000 cope, parashtojmë kundërshtimet tona si vijon:

- Për këtë artikull janë përcaktuar përmasa shumë fikse të paargumentuara duke kufizuar në mënyrë të ndjeshme konkurrencën pasi produktet me përmasa fikse të orientojnë tek prodhues të caktuar. Kërkesa për dosje me përmasa kaq fikse jo vetëm që është në kundërshtim me nenin 36 të LPP-së, por nuk i sjell asnjë përfitim AK-së, për sa i përket cilësisë dhe qëllimit të përdorimit të tij. Kërkojmë që të caktoni një diapazon në plus dhe minus të përmasave minimumi 2cm.

Në lidhje me artikullin me numër rendor Art.12 (Dosje me mekanizëm): “Dosje plastike me mekanizëm gjerësia e dosjes 7 cm ngjyra të ndryshme me mekanizëm shumë i fortë dhe cilësi e lartë e materialit plastik, dosja duhet të jetë e pajisur me kuti Përmasa 32cm x 29cm x 7cm”- 100 cope, parashtojmë kundërshtimet tona si vijon:

- Për këtë artikull janë përcaktuar përmasa shumë fikse të paargumentuara duke kufizuar në mënyrë të ndjeshme konkurrencën pasi produktet me përmasa fikse të orientojnë tek prodhues të caktuar. Kërkesa për dosje me përmasa kaq fikse jo vetëm që është në kundërshtim me nenin 36 të LPP-së, por nuk i sjell asnjë përfitim AK-së, për sa i përket cilësisë dhe qëllimit të përdorimit të tij. Kërkojmë që të caktoni një diapazon në plus dhe minus të përmasave minimumi 2cm si dhe të pranohet edhe dosje me material karton.

Në lidhje me artikullin me numër rendor Art 14 (DVD+Rë 4X 4.7GB, CD-R 52X700MB): “ DVD+Rë 4X 4.7GB, CD-R 52X700MB ,DCD dhe CD duhet të jene bashkë me zarfin e logo të

prodhuesit"-100 cope, nisur nga fakti se, janë dy artikuj të ndryshëm dhe është përcaktuar sasia për të dy llojet e tyre, lutemi përcaktoni sasine e kërkuar për secilën prej artikujve, pra sa copë doni DVD+RË dhe sa copë CD-R ?

Në lidhje me artikullin me numër rendor Art.20 (Kanavace 60cm x 40cm): "60 cm x 40cm Kanavac 1,6x10m.mod3 ? Masa: 60 cm x40 cm ? Materiali:Pambuk ? Tipi:Pëlhurë e ashpër" - 40 cope, pra keni përcaktuar që permasa e kanavaces duhet të jetë 60 cm x 40 cm. Togfjaleshi 1,6x10m.mod3 duhet të hiqet pasi është i pakuptimtë dhe krijon konfuzion.

Në lidhje me artikullin me numër rendor Art.28(Kuti per ruajtje te perhershme): "kuti arkive per ruajtje te perhereshme 56x28x38 cm (pa ngjit, veshje pl e brend, me vule) ngjyra blu pcv."- 100 cope, parashtojmë kundërshtimet tona si vijon:

- Së pari lutemi qartësoni nëse bëhet fjalë për kuti për ruajtje të përhershme, sipas parametrave dhe specifikimeve të përcaktuara nga Drejtoria e Përgjithshme e Arkivave apo thjesht përshkrimi i këtij artikullit nuk është i saktë.

- Referuar specifikimeve teknike të përcaktuara nga ky autoritet konstatojmë se, ato nuk janë ato të përcaktuara dhe të sipas Vendimit Nr.1, datë 18.1.2023 të Këshillit të Lartë të Arkivave "Për miratimin e standardeve të kutive dhe dosjeve, për ruajtje të përhershme, për arkivat jo në veprim, si dhe për institucionet që administrojnë dokumente të tipologjisë, ose që ruajnë dokumentacion pranë tyre", publikuar në Fletoren Zyrtare nr. 13, datë 24.1.2023.

- Nëse AK-ja kërkon të prokurojë artikujt kutive per ruajtje te perhershme, atëherë ai jo vetëm është i detyruar të përdorë në arkivat e tij, dosje dhe kuti sipas standarteve të miratura nga Këshilli i Lartë e Arkivave, por mbi të gjitha ky autoritet nuk mund të realizojë vetë, procedurat e prokurimit për këto lloje artikujsh pasi kjo vjen në kundërshtim të hapur me vendimin Nr.360 datë 26.4.2017, të Këshillit të Ministrave, Për miratimin e rregullores Për organizimin dhe funksionimin e Drejtorisë së Përgjithshme të Arkivave e ndryshuar me VKM nr. 331, datë 22.05.2019, në të cilin në mënyrë të qartë është e përcaktuar që autoriteti i vetëm i autorizuar nga Këshilli i Ministrave është Drejtoria e Përgjithshme e Arkivave, e cila është përcaktuar organ qendror blerës për prokurimin e këtyre lloj artikujsh.

Ne pikën 1 të Nenit 21 (Autoriteti ose enti kontraktor) të LPP-së, përcaktohet:

"?1. Autoriteti ose enti kontraktor është përgjegjës për prokurimin në përputhje me dispozitat e këtij ligji dhe të akteve nënligjore të nxjerra në zbatim të tij, duke garantuar respektimin e parimeve të trajtimit të barabartë, transparencës, konkurrencës dhe mosdiskriminimit, të parashikuara në këtë ligj?"

Komisioni i Prokurimit Publik në raste të ngjashme kur autoritetet kontraktore kanë zhvilluar vetë procedurat e prokurimit për mallra apo shërbime për të cilat Organ qendror Blerës ka qënë i caktuar me VKM një tjetër autoritet kontraktor ka mbajtur qëndrimin që në të tilla raste procedura e prokurimit duhet të anulohet.

Sa më sipër kërkojmë nga AK-ja të ndryshojë përshkrimin e artikullit dhe ta vendosë atë në funksion të nevojës që ka ky autoritet për këtë product ose në alternativë nëse kërkon të prokurojë Kutitë per ruajtje te perhershme, atëherë ai jo vetëm është i detyruar të përdorë në arkivat e tij, dosje dhe kuti sipas standarteve të miratura nga Këshilli i Lartë e Arkivave, por mbi të gjitha ky autoritet nuk mund të realizojë vetë këtë procedurë prokurimi dhe për pasojë duhet ta heqë nga lista e mallrave të kësaj procedure prokurimi.

Në lidhje me artikullin me numër rendor Art.37 (Makinë llog e madhe): Makinë Llogaritëse. Përmban të gjitha funksionet themelore si: mbledhje, zbritje, shumëzim, përqindjen e të tjerë. Përdoret me bateri AA (1,5V) Ekran digital. Ushqyes me panel. Butona gome dhe të mbuluar me plastike. Cilësia e lartë me një çmim të arsyeshëm. Ngjyra: E zezë; Dimensionin e artikullit: 169X112X40cm; Dimensionin e kutisë së ngjyrave: 20.9 * 16.4 * 4.1cm”- 10 cope, parashtojmë kundërshtimet tona si vijon:

- Per kete artikull keni percaktuar permasa shume fikse, duke kufizuar ne menyre te ndjeshme konkurrencen. Kërkojmë që të caktoni një diapazon të përmasave në plus dhe minus, minimumi në vlerën 2cm. Fjalë Dimensionin e kutisë së ngjyrave: 20.9 * 16.4 * 4.1cm nuk lidhet me kete artikull. Per me teper, edhe nese nuk jana lapsus ng ana e AK-së përcaktimi për këtë artikull I specifikimit teknik “Dimensionin e kutisë së ngjyrave: 20.9 * 16.4 * 4.1cm”, per sa kohe që keni percaktuar dimesionin e artikullit, dimensionin e kutise eshte i panevojshem. Kerkojme qe te hiqet nga specifikimet teknike për këtë artikull fjalë Dimensionin e kutisë së ngjyrave: 20.9 * 16.4 * 4.1cm .

Në lidhje me artikullin me numër rendor Art.39 (Mbajtëse kancelarish me 3 kate):“Mbajtëse e trefishtë metali, me pjesë të shkurtra dhe kompakte, të jete e fortë për dosjen e zyrës Materiali metalik me konstruksion kompakt, i ngurtë dhe i qëndrueshëm për artikujt e rëndë. Dizajni i rrjetës me pamje elegante . Sipërfaqja te jete e lyer me llak për mbrojtje nga ndryshku.Permasat: Materiali: Metal Ngjyra: E zezë Madhësia e artikullit:35 * 29.5 * 27.5cm / 13.8 * 11.4 * 10.6in”- 10cope, kërkojmë sqarimin dhe qartësimin nga ana juaj të përmasave pasi rezulton se, nga ana juaj janë përcaktuar dy lloje përmasash. Percaktoni qarte permaset duke patur parasysh qe te vendosni dhe nje diapazon diapazon të tyre në plus dhe minus, minimumi 2%.

Në lidhje me artikullin me numër rendor Art.45(Qese plastike A4): “te jene me material te pllakes te tejdukshem, ne krahun e majte te jete me vrima per t’u vendosur ne dosje, te jene te ambalazhuara dhe te pa hapura duhet te jene 300 mikrone, A4 me bira, nje pako duhet te kete 100 copë.”- 70 pako, parashtojmë kundërshtimet tona si vijon:

- Qeset plastike janë me trashesi nga 20 micron deri ne 100 micron. Kërkesa juaj që të jenë 300 micron nuk është e saktë, nuk ka zarfa 300 micron, pasi kjo është trashesi shume e madhe. Zarfi qe ka me shume perdorshmeri është zarfi 40-60 micron, i cili kryen me se miri funksionin e mbajtjes se letrave. Për sa më sipër kerkojme qe trashesia e zarfit të përcaktohet 40-60 micron.

Në lidhje me artikullin me numër rendor Art.48 (Usb 16 GB): “MEMORY INTERNAL 16GB, INTERFACE USB 3.0 Gen 1 (5 Gb/s), CONNECTOR USB Type-A, READ SPEED Maximum: 150 MB/s, MATERIAL Metal.”-20 cope, parashtojmë kundërshtimet tona si vijon:

- Kerkesa qe materiali i USB-se te jetë metal është nje kerkese e ekzagjeruar e paargumentuar nga AK-ja, sjell kufizim të konkurencës. Kerkojme qe te pranohen edhe USB qe nuk jane metal apo tërësisht metal, pasi kryejnë te njejtin funksion.

Në lidhje me specifikimet teknike të tonerave si më poshtë:
“?Specifikimet teknike e tonerave për printerat dhe fotokopjet.

“...

? Tonerat/ Bojërat duhet të përmbajnë pullën e sigurisë së prodhuesit.

? Tonerat duhet të jenë origjinale, të reja, të papërdorura, të mbështjellë me qese, dhe të ambalazhuara në kuti, të shoqëruara me pulla sigurie nga prodhuesi. Tonerat duhet të plotësojnë të

gjithë elementet e sigurisë dhe do të kryhet kontroll rigoroz, për plotësimin e këtyre elementëve.

? Modeli i printerit dhe kodi i bojës duhet të jenë të printuara në kuti dhe në etiketa që ngjiten. Numri i serisë së kutisë duhet të korrespondojë me numrin e serisë së cartridge brenda në kuti.

...

? Ambalazhi i tonerave duhet të përmbajë markën, modelin, numrin serial...”, parashtrojmë kundërshtimet tona si më poshtë vijojnë:

Ak-ja, ka përcaktuar që “...Tonerat/ Bojërat duhet të përmbajnë pullën e sigurisë së prodhuesit...”. Kërkojmë që të shtohet edhe togfjalëshi: “Në rastet kur aplikohet nga prodhuesi”.

Ak-ja ka përcaktuar që “...Tonerat duhet të jenë origjinale, të reja, të papërdorura, të mbështjellë me qese, dhe të ambalazuara në kuti, të shoqëruara me pulla sigurie nga prodhuesi..” Kërkojmë që të shtohet edhe togfjalëshi “Ose ekuivalentë” pra tonera origjinale ose ekuivalentët e tyre.

Ak-ja ka përcaktuar “...Modeli i printerit dhe kodi i bojës duhet të jenë të printuara në kuti dhe në etiketa që ngjiten. Numri i serisë së kutisë duhet të korrespondojë me numrin e serisë së cartridge brenda në kuti...”. Kërkojmë që modeli i printerit dhe kodi të pranohen ose të printuara në kuti, ose me etikete (pasi prodhues të ndryshëm i pasqyrojnë këto të dhëna në menyra të ndryshme). E rëndësishme është që të jenë të pasqyruara, ska rëndësi menyra. Për numrin serial, të shtohet edhe togfjalëshi në rastet kur aplikohet nga prodhuesi .

Ak-ja ka përcaktuar “...Ambalazhi i tonerave duhet të përmbajë markën, modelin, numrin serial...”. Kërkojmë që në lidhje me kërkesën që në ambalazh të jetë edhe numri serial, të shtohet togfjalëshi: në rastet kur aplikohet nga prodhuesi .

Sqarojmë se, mënyra e ambalazhimit apo se, çfarë të dhënash vendosen në ambalazh apo në trupin e produktit, në rastin konkret të tonerave, janë një zgjedhje, një e drejtë dhe një vendimarrje të cilën e ka vetëm prodhuesi. Vendimi nëse, në trupin e tonerit do të vendoset apo jo pulla e sigurisë, që numrat serialë të tonerave duhet të korrespondojnë në të gjitha pjesët e trupit, në pako, që ambalazhi i tonerave të jetë i mbështjellë në qese në menyra hermetike? të shoqëruara këto me pulla sigurie nga prodhuesi, që në etiketën e tonerit të vendoset pulla e sigurisë, specifikimet e kërkuara, nuk janë të dhëna të cilat nuk është në dorën e operatorit ekonomik, ofertues pasi, është vetëm prodhuesi i tonerit i cili vendos se çfarë të dhënash vendos në në trupin e tonerit apo ambalazhin e tij.

- Kërkesa të tilla për tu plotësuar, nuk varet nga vullneti i operatorit ekonomik;
- nuk janë të detyrueshme për tu zbatuar nga prodhuesi pra për tu aplikuar, referuar rregullave teknike të prodhimit për këto lloj produktesh;
- nuk ka një argument nga AK-ja në procesverbalin e hartimit të dokumentave që, përse janë të rëndësishme dhe si lidhen këto kërkesa në specifikimet teknike, me arritjen e synimit të ligjshëm të autoritetit kontraktor në lidhje me cilësinë e tonerave, pra përse është e detyrueshme plotësimi nga OE-të i këtyre specifikimeve teknike, çfarë vërtetohet me anë të këtyre specifikimeve teknike??, ndërkohë që për të verifikuar nëse tonerat e ofertuara përshtaten me pajisjet e autoritetit kontraktor verifikohet nëpërmjet kodit kush është prodhuesi është lehtësisht e verifikueshme në ambalazhin e tonerit.

Për pasojë kjo kërkesë, penalizon në mënyrë të paligjshme pjesëmarrjen e operatorëve ekonomikë pasi, pamundëson pjesëmarrjen e tyre në procedurën e prokurimit, pra sjell një trajtim të pabarabartë për të gjithë ofertuesit dhe shërben si pengesë për konkurrencën e hapur në prokurimin public, pasi favorizon vetëm ata prodhues të cilët i aplikojnë vendosjen e këtyre të dhënave në

ambalazhin e tonerve.

Specifikimet teknike për artikujt e mësipërm duhet të ndryshohen sipas pretendimeve dhe argumentave tona, për ti sjellë ato në përputhje të plotë me ligjin, rregullat e prokurimit public si dhe me vendimet e KPP-së të cilat kanë vendosur një standart për mënyrën se si AK-të duhet të hartojnë specifikimet teknike të artikujve e konkretisht:

Pasi, ne menyrën se si janë kërkuar nga ana juaj, perjashtohet nje numer I konsiderueshem prodhuesish, te cilet kane standartet e tyre te ambalazhimit, te ndryshme nga kërkesat e percaktuara nga ju, por gjithnje, duke plotesuar te gjitha kërkesat dhe standartet e cilesise.

Sikurse e cituam edhe më sipër ka një standart/ qëndrim të vendosur tashmë nga KPP-ja në lidhje me kërkesa të tilla si: mënyra e ambalazhimit apo se, cfarë të dhënash vendosen në ambalazh apo në trupin e produktit, në rastin konkret të tonerave dhe qëndrimi është se, këto elemente janë një zgjedhje, një e drejtë dhe një vendimmarrje të cilën e ka vetem prodhuesi.

Konkretisht:

Komisioni i Prokurimit Publik mbi këto lloj përcaktimesh dhe kërkesash është shprehur në një sërë vendimesh të tij.

Ju sjellim ne vemendje Vendimin Nr. 325/2020, ku KPP arsyeton se, “?AK nuk mund te hartoje te tilla kërkesa ku plotësimi i kërkesave nuk varet nga vullneti i operatorëve ekonomik pjesëmarrës për hartimin dhe dorëzimin e ofertave teknike. Komisioni i Prokurimit Publik gjykon se kërkesa e mësipërme nuk është e përshtatshme për arritjen e synimit të autoritetit kontraktor, për verifikimin e përpunshmërisë së produkteve, kjo pasi plotësimi i kërkesës së mësipërme nuk varet nga vullneti i operatorëve ekonomik pjesëmarrës për hartimin dhe dorëzimin e oferteve teknike në përputhje me kërkesën e autoritetit kontraktor... Komisioni i Prokurimit Publik gjykon se kërkesa e mësipërme e autoritetit kontraktor nuk është proporcionale me objektin e procedurës së prokurimit, natyrën, përmasat e kontratës si edhe me qëllimin e kërkuar nga vetë autoriteti kontraktor..”.

Komisioni I Prokurimit Publik së fundmi me vendimin e tij Nr. 563/2023, datë 05.07.2023, pas shqyrtimit të një ankesë e cila kishte për objekt edhe kundërshtimin e pullave të sigurisë në ambalazhin e produktit, ka arsyetuar si më poshtë vijon:”? Sa më sipër në interpretim të nenit 44 pika 2, të VKM 285 datë 19.05.2021 “Për miratimin e rregullave të prokurimit publik”, KPP gjykon se me anë të kërkesës së mësipërme, autoritetit kontraktor kërkon nga ana e operatorëve ekonomikë të dorëzojnë dokumentacion provues në të cilin të jenë lehtësisht të verifikueshme të dhënat teknike të produkteve të ofruara të dhëna që lidhen me emrin e produktit, markën prodhuese, pullën e sigurisë, specifikimet teknike të kërkuara, treguesit fiziko kimik të cilat në thelb vërtetojnë përputhshmërinë e tyre me kërkesat e autoritetit kontraktor mbi mallin. Në rastin konkret autoriteti kontraktor ka kërkuar që etiketa me elementët përkatëse të jetë e stampuar mbi ambalazhin e produktit. Me të drejtë ankimesit kundërshtojnë këtë kërkesë, pasi mënyra si pasqyrohen të dhënat e produktit, sikundër kërkuar në kriterin e veçantë të kualifikimit, është në diskrecion të vetë prodhuesit dhe jo të ofertuesve pjesëmarrës në procedurë. Kërkesa që etiketa të jetë në ambalazhin e produktit, kufizon ata prodhues që elementët e kërkuar lidhur me produktin mund t’i kenë të pasqyruara në trupin e produktit dhe jo domosdoshmërisht në 11 ambalazhin e tyre. Akoma më tej edhe vetë autoriteti kontraktor në kthim-përgjigjen drejtuar ankimesve ka pranuar, se vendosja mbi kuti apo mbi produkt nuk është kusht skualifikues, pasi qëllimi përfundimtar i këtij kriteri është njohja e të dhënave të produktit, por në përfundim ka vendosur mospranimin e kërkesës së ankimesve për modifikimin e kriterit. Në këto kushte, Komisioni gjykon, se autoriteti kontraktor duhet të modifikojë kërkesën që tonerat të jenë të pajisur me pullë

sigurie, duke lënë të hapur mundësinë e vendosjes së pullës së sigurisë, pasi pajisja e tonerave më pulla sigurie nuk varet nga ofertuesit por nga prodhuesit të cilët jo të gjithë e kanë politikë të tyre pajisjen e tonerave me pulla sigurie, fakt i cili pranohet dhe nga ana e autoritetit kontraktor në kthimin e përgjigjes. Modifikimi i kërkesës së mësipërme objekt-shqyrtimi është i nevojshëm, pasi në rastin konkret Komisioni i Prokurimit Publik gjykon, se kërkesa e mësipërme nuk është e përshtatshme për arritjen e synimit të autoritetit kontraktor, për verifikimin e përputhshmërisë së produkteve, kjo pasi plotësimi i kërkesës së mësipërme nuk varet nga vullneti i operatorëve ekonomikë pjesëmarrës për hartimin dhe dorëzimin e ofertave teknike në përputhje me kërkesën e autoritetit kontraktor. Gjithashtu, Komisioni i Prokurimit Publik gjykon, se kërkesa e mësipërme e autoritetit kontraktor nuk është proporcionale me objektin e procedurës së prokurimit, natyrën, përmasat e kontratës si edhe me qëllimin e kërkuar nga vetë autoriteti kontraktor. Sa më sipër pretendimi i ankimuesit qëndron.”

Në vendimin e KPP-së, Nr. 769/2023, datë 16.08.2023, Komisioni i Prokurimit Publik në një rast tjetër të ngjashëm ka arsyetuar si më poshtë:

“?III.6.3. Referuar ankesës së operatorit ekonomik në lidhje me pikën 3, Emri i kompanisë prodhuese duhet të jetë i stampuar dhe i njëjtë në paketim, cartridge (toner) dhe të ketë 16

pullën e sigurisë. Marka prodhuese të jetë në ambalazhin dhe në trupin e tonerave, numrat serialë të tonerave duhet të korrespondojnë në të gjitha pjesët e trupit, në pako. ku kundërshton kërkesën në lidhje me vendosjen e numrave serialë, Ankimuesi argumenton qartë pretendimet e tij si kërkesë të ekzagjeruar.

Komisioni i Prokurimit Publik gjykon se kërkesa e mësipërme është e tepërt dhe konfuze ndaj ankimuesi me të drejtë kundërshton specifikimin e sipërcituar i cili më shumë se sqarues është konfuz me kërkesa të tepruara. Është e rëndësishme që tonerat të kenë paketime të pahapura dhe të japin informacion të plotë të të gjitha të dhënave të tonerit si në paketime, kuti siç vetë prodhuesit vendosin për produktet e tyre. Kërkesa të përsëritur dhe të tepërta bëhen pengesë për operatorët ekonomikë ofertues të mundshëm për një konkurrencë të hapur e të gjerë, bazuar kjo në përcaktimet e legjislacionit për prokurimin publik.

Sa më sipër, Komisioni i Prokurimit Publik, gjykon se autoriteti kontraktor si organi përgjegjës për procedurën e prokurimit ka detyrë të mirëargumentojë bindshëm vendosjen e specifikimeve teknike me specifikime të qarta dhe kërkesa për kualifikim për artikujt e kërkuar të jenë në proporcion me fondin limit, sasinë e kërkuar apo edhe natyrën e procedurës objekt shqyrtimi, në funksion të realizimit me sukses të kontratës.

Komisioni gjithashtu sjell në vëmendje se, referuar rregullave të prokurimit publik, përgjegjësinë thelbësore për realizimin e suksesshëm të kontratës nga autoriteti kontraktor, i cili ndjek realizimin e kontratës dhe verifikimin e mallit duke aplikuar sanksione në rast mosrealizimit të kontratës.

Komisioni gjykon se autoriteti kontraktor duhet të modifikojë kërkesat objekt ankimi duke shtuar termin në rastet kur aplikohet nga prodhuesi, me qëllim për të hapur konkurrencën me pjesëmarrjen e operatorëve ekonomikë të mesëm dhe të vegjël.

Përsa referuar më sipër pretendimet e ankimuesit qëndrojnë?”

Në vendimet e saj KPP-ja shpesh e ka vënë në dukje faktin se, vetë ligjvënësi ka parashikuar në nenin 2 gërma “dh” të Ligjit nr. 162/2020 “Për prokurimin publik” se qëllimi i ligjit të prokurimit publik si ligj material i zbatueshëm për shqyrtimin administrativ të ankesave të operatorëve ekonomikë, është ndër të tjera të sigurojë integritet, besim publik dhe transparencë në procedurat e prokurimit publik. Ashtu si edhe GJED ka nënvizuar ndër vite, parimi i transparencës dhe barazisë janë të lidhura ngushtë me njëra-tjetrën, por detyra thelbësore e transparencës në një procedurë prokurimi është që të krijohen kushte dhe rregulla të hollësishme për të gjitha palët në proces. Autoriteti kontraktor është organi përgjegjës për procedurën e prokurimit dhe është përgjegjësi e tij

të përcaktojë kritere që janë në funksion të realizimit me sukses të kontratës.

Rrjedhimisht autoriteti kontraktor është në të drejtën e tij për të përcaktuar kritere dhe specifikime teknike në lidhje me produktet e kërkuara, por pa përcaktuar kërkesa të cilat krijojnë konfuzion apo që nuk ndikojnë në performancën e produktit, pasi përcaktime të tilla janë diskriminuese dhe përjashtuese nga pjesëmarrja në procedurë të operatorëve ekonomikë të interesuar.

Në pikën 38 të nenit 4 të ligjit 162/2020 përcakton përkufizimin e specifikimeve teknike e konkretisht:

“... 38. “Specifikime teknike” janë:

b) në rast të prokurimit publik të mallrave ose shërbimeve, specifikimi me të cilin përkufizohen karakteristikat e prodhimit ose shërbimit, siç janë niveli i cilësisë, ndikimi mbi mjedisin jetësor dhe ndikimet klimatike, përshkrim i të gjitha kushteve, duke përfshirë edhe arritshmëri për persona me aftësi të kufizuara dhe vlerësim të përputhshmërisë, niveli i realizimit, shfrytëzim i prodhimit, siguri ose dimensione, duke i përfshirë edhe kërkesat relevante për produktin në raport me emërtimin me të cilin shitet, terminologjinë, simbolet, testimet dhe metodat për testim, paketimin, shënimin dhe etiketimin, si dhe udhëzime për përdorim, proceset dhe metodat e prodhimit në secilën fazë të jetëgjatësisë së mallrave dhe shërbimeve, si dhe procedura për vlerësim të përputhshmërisë?”.

Në Nenin 36 (Specifikimet teknike) të LPP-së përcaktohet:

“3. Specifikimet teknike duhet të përshkruajnë qartë kërkesat e autoritetit ose entit kontraktor, duke iu referuar:

a) kërkesave funksionale ose të performancës, përfshirë karakteristikat mjedisore, me kusht që parametrat të jenë të saktë në mënyrë që t’u japin mundësi ofertuesve të përcaktojnë objektin e kontratës dhe autoriteteve ose enteve kontraktore të japin kontratën;

b) standardeve kombëtare, që mbështeten në ato ndërkombëtare, miratimeve teknike ndërkombëtare, specifikimeve teknike të përgjithshme, standardeve ndërkombëtare apo sistemeve të tjera teknike të referimit, të përcaktuara nga organet ndërkombëtare të standardizimit. Kur këto nuk ekzistojnë, ato u referohen standardeve kombëtare, miratimeve teknike kombëtare ose specifikimeve teknike kombëtare, që lidhen me projektimin, përllogaritjen dhe ekzekutimin e punëve ose përdorimin e produkteve;

c) kërkesave në terma funksionalë sipas shkronjës “a”, referuar specifikimeve teknike sipas shkronjës “b” të kësaj pike, si mënyrë që nënkupton pajtueshmëri me kërkesat funksionale;

ç) të dyja metodave të përcaktuara në shkronjat “a” dhe “b” të pikës 3 të këtij neni, për mallra, shërbime ose punë të ndryshme, të përfshira në të njëjtin objekt kontrate. Çdo referencë duhet të shoqërohet nga fjalët “ose ekuivalenti i tij/saj”.

4. Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të këtij neni. Referime të tilla duhet të shoqërohen nga fjalët “ose ekuivalente”.

5. Në rast se autoriteti ose enti kontraktor përcakton specifikimet teknike në bazë të shkronjës “b” të pikës 3 të këtij neni, nuk mund të refuzojë një ofertë me argumentin se punët, furnizimet apo shërbimet për të cilat është dorëzuar oferta nuk plotësojnë specifikimet teknike, të cilave u referohen, për sa kohë që ofertuesi provon në ofertën e tij me ?do mjet të përshtatshëm që zgjidhjet e propozuara përmbushin kërkesat e përcaktuara në specifikimet teknike në mënyrë ekuivalente.

6. Në rast se autoriteti ose enti kontraktor përcakton specifikimet teknike në bazë të shkronjës “a” të pikës 3 të këtij neni, ai nuk mund të refuzojë një ofertë për punë, mallra apo shërbime, e cila është në përputhje me standardet kombëtare, që mbështeten në ato ndërkombëtare, miratimet teknike ndërkombëtare, specifikimet teknike të përgjithshme, standardet ndërkombëtare apo sistemet e tjera teknike të referimit, të përcaktuara nga organet ndërkombëtare të standardizimit kur këto specifikime teknike përmbushin kriteret funksionale, të përcaktuara nga autoriteti/enti kontraktor.,?”

Duke u ndalur ne piken 3 te nenit 36 te ligjit per prokurimin publik, gjykojme se, ligjvenesit ka parashikuar kater metoda kryesore ne hartimin e specifikimeve teknike.

Metoda e pare lidhet me kerkesat funksionale ose te performances, perfshire karakteristikat mjedisore, me kusht qe parametrat te jene te sakte ne menyre qe tËu japin munde si ofertuesve te percaktojnë objektin e kontrates dhe autoriteteve ose enteve kontraktore te japin kontraten.

Metoda e dyte mbeshtet ne standardet kombetare, qe mbeshteten ne ato nderkombetare, miratimeve teknike nderkombetare, specifikimeve teknike te pergjithshme, standardeve nderkombetare apo sistemeve te tjera teknike te referimit, te percaktuara nga organet nderkombetare te standardizimit. Kur keto nuk ekzistojne, ato u referohen standardeve kombetare, miratimeve teknike kombetare ose specifikimeve teknike komb?tare, qe lidhen me projektimin, perllogaritjen dhe ekzekutimin e puneve ose perdorimin e produkteve.

Metoda e trete perfshin kerkesat ne termat funksional sipas metodës se pare, por referuar specifikimeve teknike te hartuara sipas metodës se dyte, si nje menyre qe nenkupton pajtuesmeri me kerkesat funksionale,

Metoda e katër përfshin të dy metodat e përcaktuara ne shkronjat a dhe b te pikës 3 te nenit 36 te ligjit per prokurimin publik, per mallra, shërbime ose punëve të ndryshme, te perfshira ne te njejtin objekt kontrate. ?cdo referenc duhet te shoqerohet nga fjalet ose ekuivalenti i tij/saj.

Nga interpretimi teleologjik (qellimi i normes juridike), arrijme ne perfundim, se e rendesishme eshte qe permes specifikimeve teknike, autoriteti kontraktor te mundesoje nje konkurrim te drejte, te hapur, e gjithheperfshires, te barabarte dhe jo diskriminues per te gjithë operatorët ekonomike, si edhe te mos drejtohen drejt nje produkti te vetem te ofruar nga nje operator i vetem ose nga nje numer i kufizuar operatorësh.

Në pikën 2 të nenit 40 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikon shprehimisht se: “Për mallrat që do të prokurohen, autoritetet/entet kontraktore parashikojnë specifikimet teknike, të cilat duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, në përputhje me nenin 36, të LPP-së, dhe që i vlerëson mallrat si të pranueshme për funksionet e kërkuara”.

Sa më sipër, kërkojmë pranimin e pretendimeve tona në lidhje më ndryshimin e specifikimeve teknike dhe dhënien e sqarimeve të kërkuesve për artikujt e cituar më sipër.

Të nderuar,

Në nenin 2 (Qëllimi) të ligjit 162/2020 përcaktohet si vijon:

“Qëllim i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;

- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik.”

Në nenin 3 (Parime të përgjithshme) të ligjit 162/2020 përcaktohet si vijon:

- “1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale.
2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar”.

Pretendimet dhe kërkesat tona janë në përputhje të plotë me qëllimin e ligjit dhe me parimet e përcaktuara më sipër në legjislacionin e prokurimit publik dhe për më tepër nxitin dhe rrisin numrin dhe pjesëmarrjen e operatorëve ekonomikë në procedurat e prokurimit public, duke sjellë konkurrencën ndërmjet operatorëve ekonomikë.

5. Kërkesë për ekspertizë të posaçme ☐

Po ☐

Jo ☒

(Nëse po, specifikoni llojin e ekspertizës që kërkon)

6. Kërkesë për përjashtim të zyrtarëve që do të merren me shqyrtimin e ankesës:

jo

7. Lista e informacionit konfidencial: ☐

jo

Përcaktoni se cili informacion është konfidencial, nëse ka. Shpjegoni pse informacioni është ose një version i dokumenteve përkatëse me heqjen e pjesëve konfidenciale dhe një përmbledhje të përmbajtjes. ☐

Kujdes: Ankimuesi duhet t'i bashkëlidhë ankimit, që do të paraqesë në autoritetin/entin kontraktor dhe Komisionin e Prokurimit Publik, dokumentin bankar që vërteton pagesën e tarifës përkatëse për ankesën pranë Komisionit të Prokurimit Publik

Dërgojeni formularin e plotësuar të ankesës së prokurimit, të gjitha shtojcat e nevojshme dhe kopjet shtesë, pranë **Autoritetit/Enti Kontraktor dhe Komisionit të Prokurimit Publik**.

Shënim: Ankimuesi duhet ta dërgojë njëkohësisht ankesën në autoritetin/entin kontraktor dhe Komisionin e Prokurimit publik

Nr. i faksit:

E-mail:

hr@infosoftoffice.al

Nënshkrimi dhe vula e Ankuesit

Administratori/Përfaqësuesi i autorizuar

Frederik Prodani